

## ĀDUNIYA KULU BORŌ DAAMA BEIYANIYOM

### SENNI ZIIGO

Ka simma nna buricinitere ka n borŏ gwene iyaali bei nna daama duuri ka borŏ fŏ su hini ka hoŋu n se ya bara boŋŏ duuri nna laakari kaniyom āduniya kuna,

Ka simma nna ka borŏ daama duuri bara hei fŏ ka sariya hima a ma ceruma ka borŏ morani nna tilaasi guruje nna meiyom berekete nna kwene borŏ futu,

Ka simma nna naane ka āduniya zamaa sariya nyā dam daama duuri ga buricinitere nna borŏ jirima boŋŏ nna kwene daama ka a gono weiborŏ nna haruborŏ ciyom afŏ gonouom kuna,

Ka simma nna ka bine a hima go rokasinē henno ma gono ganna nna ganna ŋmaaniyo binni n hānu kulu moŋjine kweiyom dirŏu ga,

Ka simma nna ka āduniya zamaa diya mariga beeri, tabataniyom meefo ceejiyom ka n baa āduniya ganna zamaa kulu ma to daama duuri hini ga nna a zaamani safu ŋwaani ŋwaani ka n damyom nna daama duuri ko ga a jirimani ko beiyom tontoni ceeji a boŋŏ,

Ka simma nna ka āduniya zamaa marga beeri tutu ka ŋayo ba mee cineyo kulu cii kawa borŏ gwene āduniya daama duuri hini ga,

Ka simma nna ka meecineyo cimanio ya ba nam daama duuri gweiyo ma dira dei-dei,

āduniya zamaa marigā beiyani borŏ gwene daama duuri ādininya kuna gwei cirici ka a hima zaamani an kokari kă ci teente n ŋmaare ba mani za couyom hini kuna beiyom ceejiyom, ga, borŏ kulu ma mee cine di ci a gwene ganna zamaayom kulu mo ma duwa ka geeri tila cirici wo ga. Za ganna ŋmaani ŋmaaniyom kuna hali an to āduniya zama kulu.

### ASARIYA SINTE (1)

Aduniya kuna n gu ibuna damayo hei no dei-dei nn daama nna n burucinitere fŏ, n lasabu nna laakari ya nam nn mo huro cere kuna nyanze tere boŋŏ.

### ASARIYA HINKANTE (2)

Baa mei hima a ma gonna daama nna boŋŏ meiyom zaga ka daama bei beiyaniyom mee cine na a siriyani dimi fisŏu yo ma sii. A sii nna n ma ci wo no gaa kware wo no gaa bii wo no weiborŏ wo no haruborŏ.

A sii nna cine fisŏuyom; a sii nna adiini fisŏuyom a bine sii nna siyasa fisŏuyom.

### ASARIYA HINZANTE (3)

Borŏ kulu gonna hunayom nna boŋŏ meiyom nna boŋŏ naaneyom daama.

### ASARIYA TAACINTE (4)

Bɔɔɔ fɔ na hima an ci bɔɔɔ fɔ sɛ tam dee bine n ma mɔɔriya bɛrɛkɛtɛ. A ganna nɔ n hoɔu tamtɛrɛ nna mɔɔriyayom bɛrɛkɛtɛ ba hini fɔ ga.

#### ASARIYA GUNTE (5)

N su bɔɔɔ fɔ wahalani, n su ga cɛɛnani n bine su ga kamani.

#### ASARIYA IDDUNTE (6)

Sariya ganna baa mani bɔɔɔ gono a hima an saria ganna.

#### ASARIYA IYENTE (7)

Iri kulu afɔ sariya mɔɔjine ya nɔ bine sariya di gu iri kulu cɛruma.

#### ASARIYA AIYAAKUNTE (8)

Batume gono bamei sɛ dɛɛ bɔɔɔ na sariya daali n ma cɛɛ goosi sariyayo di mɔɔjine ka yii ko beiyom.

#### ASARIYA EGANTE (9)

Hini sii bɔɔɔ fɔ sɛ a ma hacine dii ka daabu ɔu a ma gɛi, dee bine a ma kaa kwaara ka na cii taalifo bɔɔɔ.

#### ASARIYA WEINTE (10)

Hini gono bamei sɛ an goosi cɛ; goosi ka a ba hini ka a nɔ cimi ɔu a ma tãgarani a daama nna a tilasi bɔɔɔ.

#### ASARIYA WEICINIFONTE (11)

Ba n taali damyom nga se goosi ma a ciba n faaba kwe yo mɔɔjine n ma du ka n ci taali kwe.

A sii na n ma bɔɔɔ nɔ taali daa fɔ bɔɔɔ ka sariya dom na a jisi. Ya nɔ bine hãɔa gunguyom ka a bisa sasariya sii. Sariya zaka ya hima hãɔa gunguyom.

#### ASARIYA WEICINI HINKANTE (12)

Bɔɔɔ fɔ su mɛɛ dam bɔɔɔ fuu senni kuna bɛrɛkɛtɛ. Ya nɔ bine bɔɔɔ fɔ sii nna a ma haɔasine jirima zobu. Sariya bamei cɛruma nna alaamari zaɔa yayo.

#### ASARIYA WEICINI HINZANTE (13)

Daama gono bamei sɛ a ma kwei nuɔu ka a baa kulu.

A ma gɔɔɔ kwaara ka a sawayom a sɛ a ma tunu saa ka a bine baa.

#### ASARIYA WEICINI TAACINTE (14)

Bamei ka sanani na n gaari n kwaara kuna daama gono n sɛ n ma gana kwaara ɔwaani ka hini ceeji n ma n ta yoo.

Daama di su go n daabu dee a bara nna bɔɔɔ wii ɔu bine daa bɛrɛkɛtɛ fɔ

yo ka āduniya zamaa mariga beeri hoṅu.

#### ASARIYA WEICINI GUNTE (15)

Bamei kulu hima a ma gonna dimi.

N su hini ka hoṅu boṛo se a dimi takii boṅo.

#### Asariya weicini idunte (16)

Dee boṛo kã to balaga a sii nna ma dimi nna adiini fisso wei nna haru se domi daama fo di no n kulu gonna za n hiije waati hali n fefeyom saa.

N su hini ka hiije hou ka a na ci nna n boṛo hinka kulu bakasine.

Iyaali ya bara zaamani safu ci cirici a ganna no gominanti ga a ceruma.

#### Asariya weicini iyente (17)

Bamei, n boṅofo no, noo zamaa no, daama gono wo gonna duuri.

A sii n ma boṛo gaga a duuri takii boṅo.

#### Asariya weicini iyaakunte (18)

Bamei kulu gonna daama lasabu, ga, diayom kuna nna adiini ganayom ga n bine ba hini ka baaru n boṅo fo su noo zamaa ko ga loo zaga ka a sawa noo se.

#### Asariya weicini egante (19)

Bamei kulu gonna lasabu nna senni daama. A se ganna no boṛo su ba heifo senni su lasabu ko dirigoyom hei ka a bine ba senni kulu hini ka sei ba mani.

#### Asariya warankante (20)

Bamei kulu gonna kummayom nna igwe kuna gonoyom daama.

N su boṛo tilasi igwe fo kuna wuroyom.

#### Asariya waranka cinifonte (21)

Bamei gonna daama a ma wuro a kwaara senni kuna a boṅo su a barani ka a fisso.

Bamei kulu afo boṅo gonna daama a ma gwei te a kwaara gominanti se.

Hei ka zamaa zaa ya bara kwaara yiiko. Zaayom di mo bara ka nna a tete biri.

#### Asariya waranka cini hinkante (22)

Ni ka kulu n gono zamaa kuna hima no n ma gonna zamaa di naane daama. A ma du ko bara n bukaata mo biyayom zaa almani nna taadayo daama duuri hini ga heiyo wo kulu nna kwaara zaama gaabi nna bine goṛo ka sine heinno kwarayo njene alkawali hini ga. Ka simma nna zaga ka mete yaasi

kwaara fo fo na gwene almani siriyani.

Asariya waranka cini hinzante (23)

Bamei gonna daama a ma gwei ka a baa fisco. Ya no binc n ga a ceruma nna gwei zanyi.

Bamei munaafinsi baasi gonna gwei ka n te banayom daama.

Ni ka n gwei te kulu gonna banayom dei-dei daama ka a ba to ni n ma n gwene iyaali koto nna bere bongo.

Bamei gonna daama a ma gweiteeriyo zogi taayom igwe safu jisi a binc ba hini ka a bongo dam a fo gwaani ku na a bongo bukaata fansayom ganna.

Asariya waranka cini taacinte (24)

Bamei gonna gwei hinczobu nna hore daama gwei keiyaniyom zaka nna gwei hinczobu kuna banayom saa nna saa.

Asariya waranka cini gunte (25)

Bamei gonna jisiri daama ka a ba hini ko ga gwene alaafia nna a iyaali kulu ceruma nna, zaa gwari, taafe, fuu nna baabuyom. Dee a bara sariti ya du ni bu binc gwei ya sara musiiba ya na n zeeri, zene no, dee binc arooba fo ka a na ci n saabu a bara tilasi n ma duwa tee mako daama.

Wei kunu kweiyo, koo gweyayoy gonna tsemako nna kulayom daama. Koo kulu ka nna hei hiije bongo, ka du ka nam nga ka n hei hiije si bongo nn kulu gonna kulayom daama.

Asariya waranka cini idunte (26)

Bamei gonna couyom daama. Couyom di ma du ka bara tilasi faala bongo za coubugu cene ka kwei sasa wanteyo kamme gwei dendeniyom coubugu nga cere hima n ma feeri bamani. Coubugu beeri n ma nga feeri nuu ka a hima.

Couyom di ma bara heifo ka a mo feeriyom nna jiri ma nufi daama duuri hini ga a ma ci saabu suuru nna kwaasitere ma tee dimiyo nna adiiniyo binni laakari kaniyom nna wadaata ma te bamei se.

Nyaa nna baabe gonna daama n ma couyo ka n baa fisco n koyo se.

Asariya waranka cini iyente (27)

Boro kulu gonna daama a ma wuro a dimi taada kuna ka a hukumsi.

Bamei gonna daama taadayo kuna a ma a kaayom taago liiba gwaa; tila kaayom no, bu hore taago.

Asariya waranka cini iyaakunte (28)

Boro kulu gonna daama a ma te hei ka kwaara nna kwaara binni, nuu birijiyom ma si. Laakari kaniyom nna bongo meiyom mo gono zaga ka nna beiyani boro aduniya daama tila kuna a ma duka bara moryante.

Asariya waranka cini egante (29)

Borɔ gonna tilasiyo zamani ka kuna a gono. Zamani di ka kuna a folonku borɔ tere nna a jirima hini ka te.

A daama nna a borɔ meiyom looyom kuna no sariya tikite a se a ma duwa ko borɔ cinniyo daama nna n borɔ meiyom bei n se. Macerese mo gono bamei se.

N su ba hini ka daama nna borɔ meiyom di loo ka na cii zana ka yaasi aduniyakwara diyayo marigayom na a jisi.

Asariya waranzante (30)

Beiyanियom wo looyom ga siriya fo sii ka a ba nam kwara fo su safu fo dee bine borɔ ma tunu ka kone ko ceeji ganna zamaa ma daama duuri nna borɔ meiyom di ka n dam tila kuna saabu.